

山西府縣志輯

中或地志集成

光緒五縣新志

乾隆崞縣志

光緒續修崞縣志

中國地方志集成

山西府縣志輯 ⑭

光緒五臺新志

乾隆崞縣志

光緒續修崞縣志

鳳凰出版社 ● 上海書店 ● 巴蜀書社

序

自古紀載之難莫難於史志郡縣志者史家志地理之遺自宋以來撰述日眾義法亦漸備雖以志名其體實兼傳記雖書美而不書惡識大而不遺小究其所歸與史一也顧通才達識世不多觀或體例未嫻則去取弗當或考據未審則譌謬相仍甚者旁據小說廣肆鋪張而於利害之關興除剛柔之殊習俗土宜所辨氣候所分與夫蒐討掌故褒揚哲義秉筆者或致闕焉弗備志之命名豈其然哉三晉古稱名邦

五臺縣志卷一 序

余自光緒丁丑奉

命撫輯茲土察庶政所當先舉以省志歲久失修思得耆宿博雅參互考訂勒為成書會值災辰籌賑未遑為躊躇久之頃閱前閩撫徐松龕中丞所著五臺新志歎其綜核簡明義精文瞻誠著述家當奉為準繩者夫五臺處晉北鄙近隣恆嶽實為文殊師利宣化之所梵宇穹窿靈迹暉照我

聖祖皇帝省方觀民嘗先後駐蹕於此越我

高宗

仁宗六飛繼幸

宸章紀勝藻煥日星官斯土者宜如何表揚盛烈豈復他邑志載可比哉中丞少擢魏科登顯仕出膺封圻入贊樞密晚乃優游泉石以著作自娛新志之修蓋病舊文之樸陋與體制之弗諳也因為補其缺畧更其繁蕪斟酌損益求所以信今傳後嘗觀其貽王蔭堂方伯兩書指摘各志舛誤用心至密故斯志之作獨具別裁會余方校刊古籍擬付剞劂為晉乘嚆矢而原稿末卷有錄無書賡續之作尙需採訪乃以屬縣令孫君俾依原目補輯以成中丞夙志輒書簡端用識嚮往之意云光緒五年正月湘鄉會國荃序

五臺縣志卷一 序

二

序

汝明治臺之二年值

宮保爵撫曾公議修通志檄州縣踵續故乘以備採擇於是臺志失修近百年矣故闕撫徐公松龕里居時曾撰新志三卷因取遺稿上之

宮保賞其綜核簡明義精文贍命補纂成書

汝明受

而讀之竊歎以公學問才識聚族斯土其所見聞閱歷蓋親且稔矣臺之名勝險要某山某川原委形勢類其久經涉歷博訪詳稽氣候之燠寒土田之沃瘠

五臺新志卷首 序

三

生計風俗所繫地方政治得失若者利若者弊又皆其所體驗默而識謹以書古昔官師賢否臺邑人才盛衰前賢宿學之德行道藝非所親炙即乃祖乃父辟晦而詔故老流傳否則考之載籍信而可徵也然有志是書者數十年猶未卒業不綦難哉

汝明

承乏

茲土政拙才疏所得十不及一益以案牘勞形學殖荒落而欲補苴成編不為貂之續者幾何耶然義無容辭責無可貸適集邑紳重加採訪相與商訂其體裁結構詳於凡例所謂因人成事耳役既肅爰誌其

畧如此光緒六年八月知縣大興孫汝明序

五臺新志卷首 序

四

序

天下事之成與不成數之有幸有不幸也於邑志明
明可見已光緒五年知縣事者爲孫朗山明府時
宮保曾徵飭晉省續修通志當災祲初定後本官方
問俗之責懷徵文考獻之思甚盛典也甫奉札卽會
商邑庠生田丕緒增生王春榮等三十人籌款興工
奉行不息且搜羅邑人徐松龕中丞新稿二本呈
宮保鑒閱讀之心怡服其才學迺命現任繁峙縣楊
秋湄廣文續成完璧思急付剞劂爲晉乘嚆矢而執

五臺新志卷首 序

五

筆者既深刻苦守土者別費經營遂鄭重而徐待之
設天假年以竟其成將朗山之奏效臺邑者著名在
一志而垂名不獨一志也其關係豈淺鮮哉乃於七
年冬忽焉身逝使有志者歎無成果緣之慳乎抑數
之不幸乎八年冬_堦莅任茲土甫數日卽邀集紳董
等詢悉一切處無可如何之時值萬不得已之會與
紳董等設法特籌取稿開刷不數月而功成焉噫抑
何幸與古語云莫爲之前雖美弗彰孫朗山其信然
矣莫爲之後雖盛弗傳_堦何敢哉至潤色其業以慰

徐中丞之夙志者則楊廣文之力也分司其事以告
各大憲之成功者則諸紳董之力也_堦何力之有焉
志成因綴其顛末而爲之序光緒九年八月建昌王
步墀書於縣署之清慎勤軒

五臺新志卷首 序

六

序

光緒六年我堂臺朗山孫公承

官保曾中丞撤捐修縣志得徐太僕新志三卷尙屬未完之稿讀之心折呈諸


官保序而還之授作圭臬邀邑紳勸贊其事遺音增之缺者補之鄉善科名節婦義士之後起者續之別類分門釐爲四卷仍題其籤曰五臺新志新之云者徐太僕不取舊志初爲義例而我孫公之採輯事以付新編亦無舊不新征徭賦役舊也升科豁免因時

五臺新志卷首 序

七

制宜則新矣兵弁營汛舊也遷移裁革隨世變更則新矣泊至關津河渡大路通衢坍塌平淤改移無定無不易舊從新矣然斯役也我孫公憑依眾正採納精詳人物臧否特加灼見考據必實而確註載必明而哲函眾論之不齊皮裏陽秋在己定羣謀之互異胸中丙鑑服人其虛己下物勞心苦志者逾年稿成不自是就正於秋涓楊公惜乎事猶未竟而我孫公已詔赴天庭矣彤閣王侯東丁兩堂臺臺拉斯邑承其前修理其後事復加釐正由美進善完舊捐籌續

賈貢梨野棠付之剗剗以終其事余以佐職忝副斯役工竣眾紳董不以不文棄余獨誌崖畧余亦忘珠玉在前謬以瓦缶之鳴亂黃鐘之響也光緒十年八月典史祁州張鼎勳謹撰



五臺新志卷首

八

光緒六年我堂臺朗山孫公承官保曾中丞撤捐修縣志得徐太僕新志三卷尙屬未完之稿讀之心折呈諸官保序而還之授作圭臬邀邑紳勸贊其事遺音增之缺者補之鄉善科名節婦義士之後起者續之別類分門釐爲四卷仍題其籤曰五臺新志新之云者徐太僕不取舊志初爲義例而我孫公之採輯事以付新編亦無舊不新征徭賦役舊也升科豁免因時制宜則新矣兵弁營汛舊也遷移裁革隨世變更則新矣泊至關津河渡大路通衢坍塌平淤改移無定無不易舊從新矣然斯役也我孫公憑依眾正採納精詳人物臧否特加灼見考據必實而確註載必明而哲函眾論之不齊皮裏陽秋在己定羣謀之互異胸中丙鑑服人其虛己下物勞心苦志者逾年稿成不自是就正於秋涓楊公惜乎事猶未竟而我孫公已詔赴天庭矣彤閣王侯東丁兩堂臺臺拉斯邑承其前修理其後事復加釐正由美進善完舊捐籌續

序

歲甲申孟春余奉

憲檄代理臺邑篆務適逢臺志告成諸邑紳請就共
事冀垂久遠而昭來茲竊念余簿書碌碌翰墨終瑣
公退之暇何敢操觚於幸爾然重以邑紳之請斯役
之勞以及成始成終之屢費經營數煩筆畫又可虞
然置之耶五臺舊志創自前明修於我

朝乾隆間迄今百有餘年其中土田變更人物代興
洵有可述光緒庚辰蒙

五臺新志卷首 序

尉撫憲曾

於辦賑籌荒之際與徵文考獻之思檄

飭通省各府州縣補修邑乘以存故實而備輶軒乃

善後之要舉也於時前任孫朗山明府邀集紳耆田

王緒王春榮等二十餘人設局勸捐襄理其事因訪

求本邑徐中丞素著新志二本付梓復請孝廉徐耘

田張映環劉升城明經鄭增耀補註而續成之並商

訂於楊秋涓學博煌煌乎宏篇鉅製典瞻詳明一切

山川物產風土人情與夫忠孝廉鄉賢耆老靡不

增光簡冊為他邑志乘所不逮就意事未半而孫公

遽歸道山嗣經大令 彤閣王公取稿開雕又復中

阻噫功虧一簣效難遽期時事之不可知遲速之未

可料固有如斯者哉今歲余忝膺斯土目擊情形萬

難再已爰復請紳董措集捐資刊訂成帙庶創於前

者不作鮮終之歎繼於後者克遂圖始之功則斯志

之成詎非一時之幸與至若輿圖廣遠土物殷繁百

餘年之盛衰興廢他序已詳余又何贅焉是為序

知府用郎補同知現代理五臺縣事山左丁啟字撰

五臺新志卷首 序

同治乙丑先師松龕叔祖奉

兩宮皇太后召見入都以所作五臺新志三卷付私明曰

此余未竟之書所缺鄉善列女藝文三卷爾遵余文
續之他日賢父母修邑志呈之以供採擇私謹識之
不敢忘越十有五年朗山孫父臺明府承中丞檄修
邑志時私主講繁峙北靈書院明府以書招之鄉南
楊秋湄先生鵠時司繁鐸私以先師書呈政商續修
法秋湄曰是書質實簡嚴不屑鋪張粉飾誠古法也
惟志城池不及營汛志治所不及鄉都志土田不及

五臺新志卷首

十一

賦役志名宦不及官師題名志人物不及歷代貢舉
封蔭古法則可今若示宜欲續修之宜比類以附而
或加註焉至卷首宜恭錄

列聖巡幸以識寵榮私遵其意以達明府明府命私隨劉

子升英鄭子增耀張子映環採訪新條敘以質直呈
之明府明府呈之秋湄屬其潤色先是中丞曾宮保
聞臺志續修將成賜以先師新志之序札飭續修之
志政於秋湄故明府有是請焉既秋湄猶未卒業明
府已歸道山以此延擱兩年光緒癸未私以老病歸

里彤閣王父母明府續理前業郵請秋湄書同則典
贍詳傳大異從前直白簡淡之詞蓋秋湄鬱積之厚
故以抒其素所蘊蓄也而於先師之書則謹註之不
增損其一字蓋志慎也是書成先師之書既不沒而
兩父母子惠臺邑之實政亦傳始則秋湄續其大意
而鑒定於朗山父母繼則秋湄加以潤色而鑒定於
彤閣父母譬之作室匠者指陳私與諸君不過供服
役之勞亦何敢以掠其美將付剞劂明府命識緣起
乃拜手稽首謹爲之跋邑舉人徐耘田謹跋

五臺新志卷首

十二

跋

五臺新志吾鄉間撫 徐松龕先生纂也先生高材

碩學於文無體不備而徵典敘事尤稱擅場曩著

環志畧海外諸國數萬里地曠如指掌彈丸邑壤奚

足煩先生筆墨哉顧舊志自乾隆中葉 王公始明

府與 先大父謙齋公重修之後迄今百餘年矣雖

山川如故城郭依然而官斯土者政績不無可紀生

斯土者人文亦且疊出下及里巷之善長閭閻之貞

烈日久就煙混沒無傳未始非後人責也先生以

五臺新志卷首 跋

十三

梓之地慨思修輯仿康對山武功志之體刪繁就簡

不沿常格勒成一書釐爲三卷自先生卒後藏之家

塾蓋亦有年庚辰春 中丞曾大公祖纂修山右通

志徵取五臺新志弁以大著俾付手民以資採擇

邑侯孫朗山明府開局復補所遺以無書旁午屬孝

廉徐實甫明經鄭星泉孝廉張西珍贊襄編次而復

謬委及 瑛 竊慙學殖荒落不堪斯役勉借諸君旁搜

博採稿未成而 明府仙逝復經 彤閣王明府續

成之而先生之新志得補編而大備 侯東丁明府

訂訛補漏俾付剞劂工克告竣裝潢矣 明府命識

緣起使知巔末如是云光緒十年九月邑人劉升瑛

謹跋

五臺新志卷首 跋

十四

跋

志胡爲乎期有神於政治人心風俗而已非徒鋪衍陳迹點綴物華也臺邑值明季鼎革兵燹之餘古志云亡康熙二十六年周明府天璣搜羅軼事彙集成編越九十餘年乾隆丁酉王明府含谿重加釐正採舊訪新訂訛補缺後先相繼勒成一書今又百有餘年矣自官師士民以及貞婦烈女自縣都鄉邑以及山巔水隈人事更變今昔殊觀聽其散佚湮沒可乎松龕先師以著作大手筆寫桑梓事體例嚴

五臺新志卷四

五

嚴指歸明確其事約而賅其文曲而暢其義微而彰芟刈繁蕪不規規於鋪衍陳跡點綴物華名曰新志別乎舊也書未完而歸道山惜哉歲庚辰中丞晉大公祖修省志檄取邑乘以資採擇孫朗山明府擬補先師未完之志命諸紳參校編次稿粗就而未定明府逝矣形閣侯東兩邑侯參訂考校續成編詳明簡要不涉鋪張有裨於政治人心風俗不少也是役也隨諸紳參末議謹識緣起附於篇末俾後之覽者知臺志之成非一朝一夕之故也

光緒十年九月邑人鄭增耀謹跋

五臺新志卷四

六

跋

邑之有乘所以紀疆域勸風俗敷教化也纂則支簡則漏容私則書揚多存徇情則名實必紊以故空疎者鮮考稽迂曲者多忌諱有所稽無所諱又或推諉吾鄉中丞徐松龕先生望隆學博茹古含今纂五臺新志體例倣李寒支之志宵化康對山之志武功明白顯易一洗繁蕪而凡山川之分支別派人物之潛德幽光無不兼賅特惜其脫稿者僅三卷耳則山孫明府以名進士莅茲土取而閱之極相稱許會曾大公祖修全省通志札各州縣修志乘以資採擇而五臺爲文殊師利宣化之境我

五臺新志卷首 跋

上

聖祖皇帝越

高宗

仁宗屢念民依次第逕幸

宸翰炳煥日星尤非他邑之比 明府因集諸紳重加採訪以新志遺稿爲準繩釐正而補輯之事取識實言不徒文紀疆域而山水得其原委屬風俗而政治期於敦龐敷教化而凡孝子義士貞婦烈女與夫睦鄰

任卹爲善於鄉者均不至湮沒弗彰事未竣而明

府卽世矣 彤閣王明府 侯東丁明府踵其事而

續成之噫亦盛哉爰贅數語以誌簡末俾識緣起云

光緒十年季秋月邑人張 映環謹跋

五臺新志卷首 跋

六

五臺新志

襄修姓氏

參閱

繁時教諭甲子舉人楊篤

五臺教諭辛酉舉人崔鍾淦

五臺訓導壬子舉人韓友賢

五臺典史增貢生張鼎烈

總理

附生田丕緒

五臺新志卷首 姓氏

邑優增生王春榮

校對

邑拔貢生孟清源

邑附生趙丕鋒

邑歲貢生徐煥

監刊

邑附生戎維哲

邑附生張丕謨

邑增生高振輝

邑生李淦

採訪

恩賜九品邑優附生武德齡

邑恩貢生馬秉仁

邑歲貢生田傲

邑副貢生武本仁

邑監生王全海

邑附生徐錦

邑附生劉嘉會

五臺新志卷首 姓氏

邑恩貢生王鳳管

邑廩貢生張楠

邑歲貢生王甸

邑監生張靖材

邑廩貢生殷濬

邑增貢生白煥章

邑拔貢生裴作則

邑經魁白萬鵬

試用訓導邑廩貢生姚熙舜

邑

附

生 王潤璠

生 盧培金

五臺新志卷首 姓氏

三

捐贊助刊姓氏

劉崇德堂

李五肯堂

五品同知銜張逢原

貢生王煥文

布政司理問銜盧會津

張典榆堂

張承德堂

守備銜杜宜清

貢生胡康

從九品銜李雲錦

貢生王哲玉

貢生郝從善

侯錫珍

趙士全

趙正和堂

曲德厚堂

五臺新志卷首 姓氏

四

監生張星源

張孫德堂

監生韓維祥

趙相深永

楊壽榮堂

韓三多堂

閻崇實堂

曲天成

從九品銜張子通

從九品銜劉鈺

鹽知事銜李效祖

監生李朝聘

王元緒堂

貢生張硯山

六品銜白含章

李積厚堂

從九品銜張元科

監生劉鈔會

監生閻世醅

從九品銜姚守聖

貢生楊靜

監生王鉞

從九品銜梁希榮

元盛德

張文翰

五臺新志卷五 姓氏

五

五臺新志目錄

卷首 增輯

序 跋 修志姓氏 目錄

巡幸

疆域圖

城池圖

山川圖

鄉村圖

卷一 原輯

分野

補縣度

五臺新志卷五 目錄

沿革

疆域

補鄉村鋪遞營汛

氣候

城池

補寨堡

治所

補衙署學校祠祀原附元
補廨宇坊表市集

卷二

原輯

山水

補古蹟寺觀原附見
補橋梁

土田

補賦稅

水利

生計

風俗

卷三 原註

名宦

人物

卷四 續輯

人物續

列女

藝文

雜錄

五臺新志卷首 目錄

五臺新志卷首

五臺縣知縣 臣 王步墀恭輯

巡幸

聖祖仁皇帝康熙二十二年二月壬辰

幸五臺山、建上祝

太皇太后延壽道場

親臨五頂丙申

同鑾至長城嶺西路遇一虎射殪之名其地為射虎川

是日

五臺新志卷首 巡幸

駐蹕龍泉關

諭山西巡撫穆爾賽等曰、五臺繁峙靜樂崞縣等處地

瘠民貧、爾等既膺簡用、必持已廉潔、恪共職業、務期

利興害除、使民各得其所、方副朕委任之意、不然罪

有所歸矣、二十三年三月、

上諭大學士等曰、朕前奉

太皇太后詣五臺山、覽觀山川形勢、一一親歷其地、每臺

各製碑文、今錄出、繙繹滿書與漢書、並勒於石、朕所

撰碑文、一時結構、爾等可與漢大學士等詳加斟酌

近見漢人自負才高，每一文出，不容人點竄，此習俗之可鄙，文之所以不工也。大學士明珠等奏曰：

皇上聖學天縱，膚藻覺絕出入經史，臣等豈能仰窺萬一而謙讓之懷，尤為古帝王所不及。

上曰：文章貴於簡當，可施諸日用，如奏章之類，亦須詳明簡要，明朝典故朕所悉知，其奏多排偶，燕詞甚或一二千言，每日積滿几案，人主詎能盡覽？勢必委之中官，中官復委門客，此輩何知文義，訛舛必多，奸弊叢生，事權旁落，此皆文字冗穢以致此極也。

五臺新志卷首 巡幸

康熙三十七年三月癸丑、

上幸五臺山丙辰

同鑾駐蹕五臺縣城、

康熙四十一年二月、

上幸五臺山、

世宗憲皇帝以貝勒從行庚申

上駐蹕射虎川，山西百姓伏行宮前奏曰：晉省饑饉蒙

恩蠲免錢糧，又勸支倉粟普行賑濟，愚民無以報答高

厚願於菩薩頂建

萬壽亭一座，叩懇俞旨，又獻各種果品。

上命取各果品少許，其建造萬壽亭著停止辛酉、

駐蹕菩薩頂，幸中臺西臺南臺諸寺乙丑

同鑾、

康熙四十九年二月、

上幸五臺山，命皇太子、皇三子、皇八子、皇十子、皇十三子、

皇十四子從行，戊申次射虎川，辛亥

駐蹕白雲寺壬子

回鑾、

五臺新志卷首 巡幸

高宗純皇帝乾隆十一年九月、

上奉

皇太后恭謁

泰陵，幸五臺山戊申

上諭朕此次西巡，與蹕所經兵民歡慶，惟念圖扉之中，不

得一體，當思朕心深為惻惻，著將直隸山西二省本

年正月初三日恩旨以後，所有軍流以下人犯，令該

督撫分別情罪，請旨減等發落癸丑

駐蹕臺山，諭曰：朕臨幸五臺，觀風問俗，蓋欲周知閭閻

利病舉之在席之安也山西地方風俗尚為淳樸朕此次巡行親見民情頗為甯輯但敦龐之質在民而教養之責在上尤當加意拊循化導俾登上理撫臣為通省表率藩臬乃師帥之大員府州縣等皆有父母斯民之責其各仰體朕心力行實政務使黎民惟日孜孜罔或怠佚而在小民亦應敦行孝弟忠信禮讓共為良民毋蹈澆漓獷悍之風以成熙皞之治朕實有厚望焉丙辰

駐蹕大營命蠲免五臺縣本年地丁錢糧十分之三

五臺新志卷首 巡幸

四

乾隆十五年二月乙亥

上奉

皇太后啓鑒西巡五臺命蠲免經過地方本年地丁錢糧

十分之三丙戌

駐蹕菩薩頂諭曰朕巡幸五臺所有各道路該撫多已豫備其中朕所未到之處向例不准開銷該部銷算錢糧自應循例辦理朕思先期既經一體豫備若不准開銷或致扣及伊等養廉殊非體恤辦差人員之意從前直隸辦理此等差務曾特恩賞給銀兩今著

加恩於首省公項錢糧內賞銀一萬兩交與該撫阿理衮通融辦理以補前項諸費之用己丑

上奉

皇太后回鑾丁酉

上諭朕巡幸首省念切民依特諭阿理衮將該省上年偶

被偏災之太原等縣及勘不成災之猗氏等縣詳悉查明應有緩徵帶徵酌擬分數奏聞請旨辦理今據該撫分別查奏請將已成偏災之太原蒲縣所有蠲剩錢糧前經題明緩至乾隆十五年開徵分作二年

五臺新志卷首 巡幸

五

三年帶完者再展一年開徵等語朕思該二縣既被偏災僅予展限非朕特恩撫卹之意著將蠲剩錢糧再免十分之三餘仍照原題分年帶完其勘不成災之陽曲榆次徐溝祁縣清源文水長治永濟齊鄉永濟臨晉猗氏榮河萬泉渾源應州廣靈右玉朔州馬邑五寨平定樂平壽陽代州五臺忻州定襄靜樂解州芮城絳州絳縣稷山等三十四州縣著照所請將乾隆十四年民借倉穀原經題明今秋完納者再展一年緩至辛未秋後免息還項此係朕格外之恩該